

ՍԻՄՈՆ ՖԵԼԷԿԵԱՆ



ԾԱՂԿԱՓՈՒՆԶ ՄԱՆԿԱՆՑ

ԿՍՄ

ԸՆԹԵՐՑԱՐԱՆ

ՄԱՍՆ Ա.

ՊԱՏԿԵՐԱԶԱՐԳ

Կ. ՊՈԼԻՍ

ԳՐԱՏՈՒՆ Պ. ՊՅԼՍԵՑ

1893

ՊԱՏԿԵՐԱԶԱՐԳ Ս ՆԱԶԱԴԱՆԱԼ Է ԶԵՆՆԵՐ

ԿԵՆ
2302

ՀԱՅԿԱՍՏԱՆ Զ. Կ. ՍԵՐԵՆԻ
1880

ՍԻՄՈՆ ՖԵԼԷԿԵԱՆ

7999

ԾԱՂԿԱՓՈԻՆՋ ՄԱՆԿԱՆՑ

ԿԱՍ

ԸՆԹԵՐՑԱՐԱՆ


ՀԱՅ ԴՊՐՈՒԹԵԱՆ

ՄԱՍՆ Ա.

ՊԱՏԿԵՐԱԶԱՐԳ

ՎԱԽԵՐԱՅԵԱՆ

յուսումնական տարեգրայ Ա.գգ. Կեդր. վարչութեան



معارف نظارت جلیله سنک رخصتیه طبع اولتشد

ԿԵՂՈՆԱՏԵՂԻ Է

ԳՐԱՏՈՒՆ Պ. ՊԱՆԵՆՑ
ՅԱԶՈՐԴ Յ. ԳԱՎԱՅԵԱՆԻ

Կ. ՊՈԼԻՍ

Զախեմաճըլար եօգուշու, Թիւ 20

1893



ՏՊԱԳՐՈՒԹԻՒՆ ՍՏԵՓԱՆ ԵԱԶԸՃԵԱՆ
Կոստանդնուպոլիս, Էսկի Չապիյէ հատտէսի, Թիւ 63

206

ԱՌ ԱԶՆՈՒԱՇՈՒՔ

ԲԱՐՍԵՂ ԷՓԵՆՏԻ ՂԱԶԱՐՈՍԵԱՆ

ԱՐՔՈՒՆԻ ՎԱՌԱՐԱՆԱՊԵՏ

ՊԱՏՐԻԱՐԻԱՐԱՆ ՀԱՅՈՑ


14 Հոկտեմբեր 1892

ԿՈՍՏԱՆԴՆՈՒՊՈԼԻՍ

Թիւ 33

Վ Ա Ի Ե Ր Ա Պ Ի Ր

ՈՒՍՈՒՄՆԱԿԱՆ ԽՈՐՀՐԳՈՅ ԱԶԳ. ԿԵԴՐ. ՎԱՐԶ.



Ազգային Կեդրոնական Վարչութեան Ուսումնական
Խորհուրդս ի բնեին առնելով ՄԱՂԿԱՓՈԻՆՁ ՄԱՆԿԱՆՅ,
ԿԱՄ ԸՆԹԵՐՅԱՐԱՆ ՀԱՅ. ԴՊՐՈՒԹԵԱՆ անուն դասա-
գիրքն, պատրաստեալ ի ձեռն Միմոն Էֆենտի Գե-
լեկեանի, գտաւ զայն դիւրուսոյց եղանակաւ. եւ պատ-
շաճապէս պատրաստեալ, եւ օգտակար համարելով նո-
րա յԱզգային վարժարանս գործածութիւնը, կ'արտօնէ
զայն պաշտօնապէս:

Ի դիմաց Ուսումնական Խորհրդոյ

ԿՆԻՒՅ

Վ. ԱՏԵՆԱԴՊՐԻ

ԱՏԵՆԱՊԵՏ


Պ. ՔԷՐԷՍՏԷՃԵԱՆ

Ռ. Յ. ՊԷՐՊԷՐԵԱՆ

42302-60

28 2303

Ծաղկափունջս՝ որ իմ զուտ աշխատասիրու-
թիւնս է, ոչ ոք իրաւունք չունի աստի որ և է
յօդուած առնուլ, և յայլուր տպագրել. զայս կը
ծանուցանեմ՝ ոչ եթէ իբր բարձրագոյն հեղինա-
կութիւն մը, այլ իրաւունք են որ, ամեն ինչ թէ
գեղեցիկ, թէ տգեղ, իւր տէրոջը միայն պատկանի :



ՆՈՒՒՐԻ

ԱՆՄԻԹԱՐ ՍԻՐՏ ԻՄ ՀԱՅՐԱԿԱՆ

ԱՌ ՀՈԳԵԿՅՈՐԴ ԴՍՏԻԿՆ ԻՄ ՎԱՂԱՄԵՌԻԿ

ՌԱՄԵԼԱՅ Ս. ՓԵԼԷԿԵԱՆ

ՈՂԲԵՐԳ

Առաւօտուն կելնեմ, տեսնեմ արուսեակ,
Երագոց ժամերու սիրախօս հոգեակ.
Ողջոյն տայ գիշերին կերբայ ընել դարձ,
Սիրտս սուգ է, չուզեմ ոչ ողջոյն, ոչ դարձ :

Առաւօտուն կելնեմ, կը լսեմ կոջնակ,
Բարեպաշտ սրտերու երկնաջուր սուրճակ.
Աշխարհ 'ի ծունր գայ, խօսի երգաբան,
Սիրտս սուգ է, չուզեմ ոչ երգ, էս ոչ բան :

Առաւօտուն կելնեմ , տեսնեմ արշալոյս ,
Արշալուսէն խնդրեմ ցոյց տայ աչքիս լոյս .
Լոյս գայ , աշխարհ հրճուի , ես կամ մթաւոր ,
Սիրտս սուգ է , ջուգեմ ոգ լոյս , եւ ոգ օր :

Առաւօտուն կելնեմ , տեսնեմ Ովկեան ,
Զուկն ու ալիք իրար խառնած կը խաղան .
Շողն արեւու փայլի այեաց մեջ մանրիկ ,
Սիրտս սուգ է , ջուգեմ ոգ շող , ոգ ալիք :

Առաւօտուն կելնեմ , կը հայիմ ջորս դիւ ,
Դաշտեր ծաղիկ բանան , տեսնես , կ'գմայիս .
Հովն ու քոջուն ընկեր խալտան քաղցրաձայն ,
Սիրտս սուգ է , ջուգեմ ոգ խալտանք , ոգ ձայն :

Առաւօտուն կելնեմ , տեսնեմ քով ի քով ,
Քոյր ու եղբայր նստած հօրկան մօրկան քով ,
Սիրոյ համբոյր կուտան միմեանց կենսաբեր ,
Սիրտս սուգ է , ջուգեմ ոգ համբոյր , ոգ սէր :

Առաւօտուն կելնեմ , տեսնեմ գեքեզման ,
Ռար կը հանգչին հազարք , բայց իմս անցման .
Ռարկէ անցնողք հեռի փախչին անդադար ,
Սիրտս սուգ է , կուգեմ հոն մնալ յօժար :

ՅԱՌԱՋԱԲԱՆ

Բազմաթիւ փորձով հաստատուած է որ , մանկան մատաղ միտքն ու սիրտ՝ իրերը ճանչցնելէ անմիջապէս զկնի՝ կրից վերաբերեալ օգտակար ծանօթութեամբ հրահանգելն անհրաժեշտ է . զի եթէ զնա բարութեան և չարութեան , գթութեան և անգթութեան , նախանձու և աննախանձութեան , ռոտակալութեան և ներողութեան , և այլ այսպիսեաց օգտակարութիւնն և ֆրասակարութիւնն Աստուծոյ և մարդկան հաճիլի կամ խոտելի լինելն ազգի ազգի վեպերով նկարագրուի , և ուսուցուի , յայնժամ նոյն հրահանգն մանկան հասակին հետ կը բնաւորի , և կը յաջողի զանի վերածել 'ի բարոյական կենցաղ մարդկային ազգի :

Այս տեսութեամբ հարկ է որ , ընթերցարանիս մէջ գտնուած հատուածներն մանկան ուսուցանելէ , և ընդարձակապէս բացատրելէ զկնի , 'ի բերան ուսուցանել նաև ոտանաւորներն , գիտնալով թէ , մանուկն նախապէս ինչ որ գաղափարէ , և սիրէ , նովիմք բարոյապէս կը սնանի , ու կը մեծնայ :

Գիտելի է թէ , Հայ . դպրութեան մէջ նախնական ջորս դասակարգութիւն կայ , Այրբեհարան , Հեգարան , Ընթերցարան և Փերականութիւն . մանուկը Այրբեհարանին գրերը լաւ ճանաչելէ , և ընդարձակ Հեգարանին(1) մէջ վանկերու բաժանմամբ ար դա րա-

(1) Եթէ Հեգարանի մէջ ընդարձակ վարժութիւն չլինի , մանուկը չը կրնար առանց հեղելու ընթերցարանն ընթեռնուլ , և յայնժամ ընթերցարանը կըլլայ հեգարան , որպէս կերելի ի բազում ընթերցարանս :

Ժ

սէր ընթեռնոյ վարժուելէ ետեւ , երրորդ դասակարգութեան՝ այն է ընթերցարանի մէջ բառ մը կազմող վանկերն աւելորդ է անջատ նշանակել՝ այլ հարկ է զնա արդարասէր տալ ընթեռնուլ , և ոչ արդա ըստ սեր :

Ընթերցարանս Ա. և Բ. մասի բաժանեալ է . Ա. մասն նախ փոքր , և ապա հետզհետէ ընդարձակ հատուածներով պատրաստեցինք , որպէս զի մանուկն հետզհետէ ընթերցման վարժութիւնը դիւրութեամբ յառաջ տանի ճիշդ թուարանական ճշմարտութեամբ՝ որպիսի է 1, 2, 3, 4 և այլն , որ որչափ յառաջ երթայ , նոյնչափ կը բազմապատկի :

ՍԻՄՈՆ ՖԵԼԷԿԵԱՆ



Ծ Ա Ն Կ Ա Ն Ց



Մանկիկ առ այս ծաղկափունջ ,
Եւ հստոտա քաղցրաշունչ .
Ապա աստի ամեն օր
Մեզր շինէ մտաւոր :






ՎԱՐԴ

Վարդը հոտաւետ ու սիրուն է, ուրոյ փուշերը թէեւ շատ անգամ կը վիրաւորեն հոտոտացողը, բայց ոչ ոք չը մերժեր զանի, այլ կը սիրէ. զի որպէս առանց թերութեան գեղեցկութիւն չկայ, նոյնպէս և առանց պակասութեան արարած չկայ:

Միհրանն ալ թէեւ տղայական պակասութիւններ ունի, բայց ինքը բարի և սիրուն տղայ մ'է. հետեւապէս իւր թերութիւնքը զինքը ատելի չեն ընեն, զի անոնք երկրի վրայ ինկած փոշիներու պէս են, որ դաստիարակութեան

հողմը հետզհետէ շնչելով կանհետացնէ:

Վարդը փուշ ունի,
Հոտ անուշ ունի.
Ինքը գեղեցիկ,
Թերթ քեքուշ ունի.
Նոյնպէս ալ բարի
Տղայն է վարդի
Նման, որ ամենք
Կը սիրեն զանի:



ԲԱՐԻ ՎԱՐԺՈՒՅԻՆ


Բարի վարժուհին որ մը իւր աշակերտուհոյն ըսաւ — Հե՛րանոյշ, աղջիկս կուզե՞ս որ, Աստուծոյ ջնորհաց պսակը գլխուդ վրայ փայլի, և պարանոցէդ կախուած ոսկի մանեակ ունե-

նաս, և այնպէս ամենուն սիրելի ըլլաս:—

— Այո սիրելի վարժուհիս, բոլոր սրտովս կուզեմ:

— Ուրեմն ջանա՛ որ, ամենայն հնազանդութեամբ հօրդ բարի խրատները չմերժես, և մօրդ կամացը հնազանդիս. այս ընելով՝ կըլլաս բարեկիրթ, ազնիւ, և սիրելի աղջիկ մը:

Տեսէ՛ք, տեսէ՛ք Հերանոյշ,
Ի՞նչ բարեկիրթ, և անուշ.
Գլուխն ունի շնորհաց փայլ,
Աստեղց լուսոյն պէս ծաւալ.
Կուրծքին վրայ մի մանեակ
Շողայ որպէս արեգակ.
Եթէ տեսնէ զայն ով որ,
Կըսէ « երնեկ իւր հօր մօր »:



ԾԱՂԿԱՓՈՒՆՋՍ ՆՈՒԻՐԻ ԱՌ ՀԱՅ ՄԱՆԿՏԻՆ

Մանկիկ.

Գեղեցիկ գունով
Անուշակ հոտով
Թէ ծաղիկ տամ քեզ,
Կըթառամի, գիտես:

Թէ հանդերձ փայլուն
Տամ գեղեցկագոյն,
Զայն թէ գործածես,
Կը հիննայ գիտես:


Եթէ քաղցրահամ
Շատ կերակուր տամ,

Զայն քանի ուտես,
Կը մարսի, գիտես:

Թէ դարնան օրեր
Քեզ տանիմ դաշտեր,
Որչափ ալ կայտուես,
Զայն թողուս, գիտես:

Անուշակ գեղգեղ
Թէ լսես շատ հեղ,
Կանցնի հովի պէս,
Զայն փորձով գիտես:

Իսկ այս ծաղկափունջ
Թ'և հոգի անշունչ,
Բայց թէ սիրես լաւ
Այս չանցնիր բնաւ:



Ո՞Վ Է ԱՍՏՈՒԱԾ

Աստուած մեր արարիչն ու բարե-
րարն է, մեզ շատ կը սիրէ:

Նա է որ, ամեն առտու մեզի արեւ
կը խրկէ:

Նա է որ, ծառին տերեւ և միրգ,
և ծաղկին անուշ հոտ կուտայ, որ վա-
յելեմք. մեզի համար լեռներն ու
դաշտեր գեղեցիկ զարդարողը նա է.
ուստի պետք է որ բոլորով սրտիւ շնոր-
հակալ ըլլանք իրեն, և բոլորանուէր
սիրեմք, ու պաշտեմք զինքը:

Աստուած իմ դեռ նոր գնաց
Գեշերավարն արուսեակ,
Եւ խրկեցիր լուսազգեաց
Մեզ կենսաբեր արեգակ :

Սիրտս առ քեզ , ձեռքս ի վեր
Ի ծունր գամ երկիւղած ,
Խնդրեմ ի քէն ո՛վ իմ Տէր
Լոյս տուր խաւար իմ աչաց :

Տուր և հողի սրբագին ,
Որ լաւ պաշտեմ ես զքեզ ,
Մինչև որ գամ ի յերկին ,
Երբ կոչնագիր ինձ դրկես :

Իմաստութիւն հօր Յիսուս
Լցեր երկինք ու երկիր ,
Իմաստութեան քոյին լոյս
Ծագէ և յիս օրն ի ժիր :



Փոքրիկ Երուանդ ծնողքէն սովրած,
բարեպաշտական սովորութիւն ունէր՝
ամէն առտու երբ անկողնէն ելնէր ,
նախ երեսը կը լուար , յետոյ ծնողաց
ձեռքն համբուրելով , անոնց օրհնու-
թիւնը կառնուր , և կամ երբ վարժա-
րանին մէջ դասի պիտի սկսէր , կամ
ցորեկ և երեկոյ սեղանի պիտի նստէր ,
ամենայն բարեպաշտութեամբ և ջեր-
մեռանդութեամբ հետեւեալ աղօթքը
կընէր , և ապա գործի կսկսէր :





Ո՛վ բարի Աստուած՝
Որ մեզ կուտաս հաց,
Եւ կըներես մեզ,
Որ ներեմք նոյնպէս
Մեր պարտապանաց
Ամէն յանցանաց.
Իմաստութեան լոյս
Մեզ տուր քաղցրայոյս,
Որով գամք առ քեզ,
Եւ պաշտեմք զքեզ
Աղօթքով խնկով,
Ձեռքով ու ծնկով.
Որ մեզ անխտանդ
Լինին յաւիտեանք,
Յորհեալ քո անուն,
Եւ փառք քեզ անհուն:



ԳԱՐՈՒՆ

Ահա գարունը դարձեալ եկաւ.
յղի երկիրն՝ որ ձմրան մէջ երկունք կը
քաշէր, իւր արգանդը բացաւ, և ծնաւ
ամէն տեսակ բարիք:

Խոպան լեռներն, մերկ դաշտերն
ու ձորեր, տերեւաթափ պարտէզներն
ու անտառներ, առհասարակ անուշա-
հոտ ծաղիկներով, կանաչագեղ մար-
դերով, և գեղեցիկ տերեւներով հար-
սի նման զարդարեցան. գետեզերքը
և աղբերաց շուրջը կանաչ գորգերով

յարդարուած է. սե սե ամպերն հե-
ռացան, և երկինք իւր ժպտը ցցուց
աշխարհի, սակայն պէտք է գիտնալ
թէ, ամէն բոյս՝ ծաղիկ, ու տունկ մի
և նոյն աճումը՝ գեղեցկութիւնը, և հա-
սակը չունին:

Անոնցմէ ոմանք նիհար, ոմանք տը-
կար, ոմանք գծուծ վիճակի մէջ են, ու
բոց պատճառն այն է թէ, ոմանց հո-
ղը բերրի չէ, ոմանց կլիմայն տկար է,
ոմանց զարգացումը խնամոց տակ չէ.
ինչպէս են պարտիզին, դաշտին, ու ձո-
րին ծաղկունքն, որոց առաջինը ընտա-
նի, և միւս երկուքը վայրի ծաղիկ կըս-
ուին:

Հրանտի մանկական հասակն ալ
ծաղկի պէս է, որ եթէ բարի, և պար-
տաճանաչ ծնողաց, և դաստիարակի
խնամօք մեծնայ, լաւ կը կրթուի, կու-
սանի, և իւր անձին օգտակար ու բազ-
մաց սիրելի կըլլայ, և կըսուի ընտանի
ծաղիկ և ոչ վայրի:

Արդ ջանա՛ որ մանկութեանդ դար-

նան մէջ միտքդ ու սիրտդ գիտու-
թեան և բարեկրթութեան ծաղկօքը
զարդարես, և ապագայդ երջանիկ ըլ-
լայ. եթէ ոչ, կանցնի գարունը, և
դու կը մնաս անպտուղ:

Գարունն է եկեր
Մեր դաշտին վերեւ,
Վարդ շուշան բերեր,
Ու պայծառ արեւ:

Օ՛ն ելէք զուարթ
Մանկունք ի հանդէս,
Մանիշակ ու վարդ,
Քաղեցէք պէս պէս:

Գարունն է եկեր
Ի պարտեզ, յայգին,
Միրգ խաղող բերեր
Մեզ պարգև անգին.

Օ՛ն, ելէք զուարթ
Մանկունք ի հանդէս,


Քաղեցէք հանդարտ
Միրգ խաղող պէս պէս :

Գարունն է եկեր ,
Զինջ հոսէ աղբիւր ,
Եւ թռչնոց երգեր
Լսի ընդհանուր .

Օ՛ն , ելէք զուարթ
Մանկունք ի հանդէս ,
Լսեցէք հանդարտ
Նուագներ պէս պէս :

Գարունն է եկեր
Մաստուծոյ ընծայ ,
Եւ մեզ կենսաբեր
Նոր օրեր կուտայ .

Ելէք խնդաղգեաց
Մանկունք ի հանդէս ,
Օրհնեցէք զՄաստուծո
Աղօթիւք պէս պէս :



ՎԱՐԺԱՊԵՏՈՒԹԻՒՆ

Հայրախնամ վարժապետութիւնը
գեր ի վերոյ է քան զճնողս մանկան .
զի բարի ծնողք զմանուկն նիւթապէս
միայն լաւ կը խնամեն , և ընտանեկան
բարոյականութեամբ կը հրահանգեն ,
որ ասի աւելի նախապատրաստութիւն
մ'է կենաց գլխաւոր պիտոյից . իսկ
վարժապետը մանկան միտքը ուսմամբ
և գիտութեամբ կը զարգարէ , և նու-

Վիմբ կը ժշակէ սիրտն ի զգացումն բարոյականի :

Ահա ասոր համար է որ, կը պարտաւորիմք գոնէ այնչափ սիրել, ու յարգել մեր վարժապետներն, որչափ որ կը սիրեմք ու կը յարգեմք մեր ծընողքներն :

Իսկ որ գլարժապետն չյարգեր, ապերախտ է այնպիսին, թէև վարժապետն ուսման պահանջուած հանգամանքն իսկ կատարելապէս չունենայ:

Դու էր կեցած ես այդպէս անձկագին,
Աչերդ պիշ պիշ յառած ի յերկին .
Եւ կ'սքանչանաս, թէ օդապարիկ
Ի՞նչ է, որ օդին մէջ խաղայ մենիկ :
Այն օդապարիկ չէ երկնասրլաց,
Վարժապետութիւն մի է մեծապանծ .
Որ այնպէս յառնէ անհոգի, անձայն,
Եւ չափէ երկնից անեզրը սահման :

Թեւեր՝ որ տանին յաշխարհէ յաշխարհ,

Կամք, և սէր, և բանք փոխանցեն
 յիրեար.
 Կըսես դու քեզէն, թէ ի՞նչ բան է այն,
 Որ խօսք տայ, առնու վայրկեան առ
 վայրկեան:

Այն չէ հեռագիր աշխարհագրաց
Վարժապետութիւն մի է մեծապանծ,
Որ թէև անխօս, այլ զերթ բանական
Խօսի ընդ ամէն աշխարհ հոգեկան:

Տեսնես հեռուէն հողմի պէս թեթեւ
Հսկայ մ'ի գետին կը թռչի անթեւ .
Կապչիս թէ , որչափ սրանայ ընդ փոյթ ,
Ում Հասանէ թռչուն կամ նժոյգ :
Այն երկաթուղի չէ արագընթաց ,
Վարժապետութիւն մի է մեծապանծ .
Որ թէեւ երկաթ է , հուր կամ շողի ,
Բայց ամէն երկիր կը կոխէ կանցնի :

Երբ իշոգենաւ, կամ ի գործարան,
կամ ի գեղեցիկ հայիս ապարան,
Եւ կամ ձեռակերտ գեղարուեստ
պէս պէս,

Էրում մատն ՚ի շուրթ զարմանաս
այդպէս.
Գիտցիր թէ մեծ գործ, մեծ հանճար
համայն
Վարժապետութեան արդիւնք են
միայն:

ԲԱՐԻ ՇՕՐ ՄԸ ԽՐԱՏԸ

— Ռամեւայ՝ աղջիկս, որ բանը շատ
կը սիրես, զբօսանքը, բարեձև և գե-
ղեցիկ հագո՞ւստը, համադամ կերա-
կո՞ւր, մի՞րգ:

— Ադոնց և ոչ մին չեմ սիրեր,
թէև իբրև անձնական պիտոյք բնա-
կան է որ, կուզեմ վայելել:

— Ուրեմն ի՞նչ կը սիրես:

— Նախ Աստուած, յետոյ ծնողքս,
և յետոյ ընկերս կը սիրեմ:

— ՂԱստուած ի՞նչ բանի համար կը
սիրես:

— Անոր համար որ, զիս նա ստեղ-
ծեց, կը պահպանէ, և արևն ու լուսի-
նը, ծառն ու ծաղիկը, և ամէն բարիք
նա մեզ տուաւ որ վայելեմք:

— Ինչո՞ւ ծնողքդ կը սիրես.

— Անոր համար որ, զիս ծնան, խնա-
մեցին, և ապագայս դաստիարակու-
թեամբ և ուսմամբ պատրաստելու
համար նիւթական ու բարոյական ա-
մեն կարելի զոհողութիւն չզղացան:

— Ընկերդ ի՞նչ պատճառաւ կը սի-
րես:

— Որովհետև Աստուած ազսպրած
է որ, մարդ իւր ընկերը իւր անձին
պէս սիրէ. ուստի ասոր համար ըն-
կերս կը սիրեմ:

— Ուրեմն կեանքդ որո՞ւ կը պարտիս:

— Նախ Աստուծոյ, ապա ծնողացս:

— Ապրիս, զաւակս. որովհետև այդ
սրբազան պարտաւորութեամբ տողոր-
եալ ես, կ'օրհնէ զբեզ Աստուած, կը

սիրեն զքեզ ծնողքդ, և ընկերք, և
դու երջանիկ օրեր կունենաս:

Բարի տղան թէ Աստուծմէ կը պահուի,
Թէ հօրն ու մօր կը մնայ միշտ սիրելի.
Ազգականներ բարեկամներ յարգեն
միշտ,
Երջանկութիւն տեսնէ, և ոչ բնաւ
վիշտ.

Իսկ չար տղայն կրէ պատիժ չարաչար,
Եւ իւր կենաց մէջ տառապի անդադար:



ՍՈՒԱԿ ԵՒ ՎԱՐԴ

Սոխակը փոքրիկ և տգեղ թռչուն
մ'է, և պարտէ զներու և անտառներու
մէջ կը բնակի:

Իւր ձայնը բոլոր թռչնոց ձայնէն ա-
ւելի գեղեցիկ է:

Այս թռչնիկ մասնաւորապէս վար-
դը շատ կը սիրէ, և անդադարապէս
կերգէ նորա վերայ. այս պատճառաւ
ամէն լեզուի մէջ սոխակը վարդին սի-

րահար ցուցուած է, և առ այն բազմաթիւ երգեր շինուած են:

Զարեհ, դու ալ եթէ գիտութեան մէջ վարդի նման բացուիս, և բարի վարուքդ անուշահոտ բուրեւս, ամէն ոք գքեզ կը սիրէ, և կը պատուէ:

Պըլպուլ պըլպուլ
Ինչո՞ւ անդու
Սրտիկդ ի վիշտ
Կերգես դու միշտ:

Պուրակներու
Մէջ սիրարկու
Է՞ր կաս յերեր
Տիւ և գիշեր:

Աշխարհ համայն
Քեզ ըզձանան,
Ընդէր այդպէս
Դէմք կը ծածկես:

Ահա մարգեր,
Կանաչ դաշտեր,

Թուիր, երգէ,
Ամենք քո է:

— Ոչ դաշտ ոչ մարդ
Զունին ինչ յարդ.
Լոկ խնդրեմ ես
Վարդս 'ի պարտէզ:

ԲԱՐՈՅԱԿԱՆՈՒԹԻՒՆ ԵՒ ԳԻՏՈՒԹԻՒՆ

Պահարիկ իւր հօրը կը հարցնէր. —
Հայրիկ, աշխարհի մէջ ամենէն մեծ,
ամենէն դժուարին, և ամենէն կարևոր
պաշտօնն ո՞րն է:

— Տղայ մը մեծցնելն՝ իւր կենաց
գլխաւոր պահանջներուն համաձայն:

— Կենաց գլխաւոր պահանջը ո՞րն է:

— Բարոյականութիւն և գիտութիւն, որք նիւթական և ֆիզիզական բարեաց անսպառ աղբիւրներն են:

Ո՛վ որ բարւոյն չունի ճաշակ,
Եւ գիտութեան մեղր անուշակ,
Յամէն բարեաց կը զրկի նա,
Եւ վերջապէս թշուառ կըլլայ:


ՄԱՆԿԱՆ ԱՌԱՋՆՈՐԴԸ ՊԷՏՔ Է ՄԱՅՐՆ ԸԼԼԱՅ

Կատուի երկու ձագեր քով ի քով
Նստած կը գաշակեցին, որ եթէ չափա-
հաս ըլլան, միասին մուկ բռնեն. սա-
կայն ըստ որում մկանց հետ մենա-
մարտին ալ իւր ձևերն ու հնարքներն
ունի, կորոշեն նախ իրենց մօրմէն զա-
նոնք սորվիլ, ապա մուկ որսալ:

Այս տեսութեամբ անասնոց մայ-
րերն ալ գիտցածնին զաւակնուն կը
սորվեցնեն, ուրկէ պէտք է ասուն մայ-
րեր խրատուին, և մանկան մատաղ
հասակին հետ կենաց կարեւոր պէտ-
քերն խնամով ուսուցանեն:

Երկու փափկ
Զոյգ մը քուրիկ.
Մինն փոքրիկ,
Միւսն մեծիկ.
Նստած սիրով
Մէկ մէկու քով,
Ապագային
Վրայ խօսին.
Կըսեն «թէ որ
Ըլլանք խոշոր
Փեղ հետ ընկեր՝
Բռնենք մկներ»:

Մեծը սակայն
Ըսաւ զայս բան.
«Մեր մայր եթէ
Մոլորեցնէ
Մուկ բռնելու
Լաւ ձեւերու,
Յաջող յայնժամ
Որս ժամէ ժամ
Կընեմք անխախ,
Թէ ոչ կայ վախ»:



ՀՈՒՆՁՔ

Երբ հունձքերը հասնին, մշակին
կինն, հարսն ու աղջիկ, հայրն ու տղայ
արշալուսոյն կանուխ ելած՝ մանքաղ ի
ձեռին արտը կերթան հնձելու:

Թէ երթալու, և թէ հնձելու ժա-
մանակ գրեթէ շարունակ կերգեն, և
գարնան արևու սաստիկ ջերմութեան,
և հնձաքաղի տաժանելի աշխատու-
թեան մէջ կրած տազնապն ու խոն-
ջանք այն միաձայն երգերով կը թե-
թենան, և իրենք կողեւորին ի գործ,
և այնպէս կաւարտեն հնձաքաղը:


Հարս ու աղջիկ յերգ և ի խաղաղ
Եղբայր եղբօր հետ միասին
Առէք մանքաղ, ելէք ի քաղ,
Ձի բեղմնաւոր հունձք մեր հասին:

Աստուած մեզի ցորեան առատ,
Գարի առատ, կորեկ վարսակ,
Տուաւ նաև մեզ կտաւատ,
Մեր վաստակոց արժանի վարձք:

Սուք սուր մանքաղ, ու գերանդիք
Ահա խաղան յահեակ ու յաջ,
Հունձք ի յերկիր թափին լիք լիք,
Ոմանք յետ կոյս, ոմանք յառաջ:

Խուրձեր կապուած են մեծ ջանքով,
Եւ գէզ ի գէզ գեղեցկագին,
Մին միւսին շարուած է քով,
Յանկուցանէ աչք անցորդին:

Հարս, ու աղջիկ յերգ և ի խաղ
Եղբայր եղբօր հետ միասին,
Առէք մանքաղ, ելէք ի քաղ,
Ձի բեղմնաւոր հունձք մեր հասին:



ԵՐԿՐԱԳՈՐԾՈՒԹԻՒՆ

Երկրագործութիւնը ամէն վաստակէ աւելի արդար է, և ամէն աշխատանքէ աւելի օգտակար:


Մշակին առևտուրը Աստուծոյ և հողի հետ է. ինքը ժամանակին կը վարէ, կը ցանէ, և մնացածը Աստուծոյ թողլով՝ կսպասէ որ հնձէ:

Բարի Աստուածը՝ որ միշտ կը խնա-

մէ բոլոր արարածներն, անձրև կուտայ տկար ցանքերը ոգեւորելու, արև կուտայ զանոնք աճեցնելու, և զով հողմն կ'արձակէ զանոնք զօրացնելու:

Լուսինը՝ որ նախախնամութեան մի գիշերապահ գործակատարն է, գիշերէ գիշեր իւր աստեղաց բանակաւը ցօղ կը սրսկէ ցանքերուն վրայ, և անոնք առոյգ հասակ մը կ'ունենան, և այնպէս ցօղունները կերկարին, կը հաստնան, հասկերը կը մեծնան, և կը պարարտանան. յետոյ հունձքը կը հասնի, և մշակը կսկսի ուրախութեամբ հնձել զանոնք. և յարգը յարգանոցը, և ցորեանը, գարին, վարսակը, և այլն, շտեմարանը կը ընու, և կ'օրհնէ զԱստուած. որ զինքը այն պարգեւին արժանացոյց:

— Ով որ Աստուծոյ բարիքը կը ճանչնայ, միշտ բարիք կը գտնայ:



ԵՐԳ ՄՇԱԽԻՆ

Ե՛Լ, ե՛Լ ամպիկ, ե՛Լ յերկին,
Բայ քո թաթիկ ցողածին.
Որ գայ սրսկէ յորդ անձրե,
Ծարաւ արտից մեր վերե.
Որով նոր ոյժ զգենուն,
Եւ ես օրհնեմ քո անուն:

Ե՛Լ արեգակ, ե՛Լ յերկին,
Բեր կենսունակ լոյս քոյին.
Որ գայ, և տայ ջերմութիւն
Մեր ջրոտեալ հունձքերուն.
Որով նոր ոյժ զգենուն,
Եւ ես օրհնեմ քո անուն:

Ե՛Լ, ե՛Լ զեփիւռ մեղմասիք,
Սփռէ թեւերըդ փափկիկ.
Որ հունձք՝ այգիք, ծառք ու միրգ
Քե զգենուն մարմին գիրգ.

Եւ յաջ ու ձախ ման առնուն,
Եւ ես օրհնեմ քո անուն:

Ա՛յլ սակայն դուք ինձ նման
Արարածներ էք համայն.
Ե՛կ ամպիկ, եկ արեգակ,
Մօտ ե՛կ զեփիւռ թեւարձակ.
Օրհնեմք զանուն Արարչին՝
Մեզ այս բարեաց տուողին:

Օ Ր Օ Ր ՄԱՅՐԱԿԱՆ

Մայրական օր օրը ամէն երգէ սրբ-
տագրաւ, սիրազեղ, և գորովայից է:
որով օրրանին շուրջը կը պարափակեն
հաստատուն սէր, անդուլ հսկողու-
թիւն, և անվհատ աշխատանք:
Հիւանդութիւն, աղքատութիւն, և

ազգի ազգի նեղութիւնք չեն զօրեր
պահմը մոռացութեամբ ծածկել զոր-
դին ի մօրէն: Եւ ահա այս իսկ է որ,
մայրութիւնը գերազանց է քան զհայ-
րութիւն:

Աստղիկ կը ննջէ
Եւ մայրն կերգէ:

Եղբայր մ'ունիս, արեւ է նա
Օր, օր Աստղիկս օր, օր.
Քոյրդ ալ գլխիս մի լուսնկայ,
Օր, օր Աստղիկս օր, օր:

Դու ալ հիմայ աստղիկ մ'եղար՝
Օր, օր Աստղիկս օր, օր.
Իմ աչքերուս մէջ լուսավառ,
Օր, օր Աստղիկս օր, օր:

Մեծցիր խրկեմ քեզ վարժարան,
Օր, օր Աստղիկս օր, օր:
Որ պսակի իմ յոյս համայն,
Օր, օր Աստղիկս, օր, օր:



ՆՈՐ ՏԱՐԻ

ԿԱՄ

ԿԱՌԱՆՆՈՐ

Նոր տարին կամ Կաղանդը երկու
աղբիւր ունի, մին Յիսուսի Քրիստոսի
յաշխարհ գալու թուականին վերջս-
կսումն է, այսինքն երբ 1893 թուա-
կանը լրանայ, և 1894 թուականը սկսի,
կըլլայ Նոր տարի, կամ Կաղանդ:

Ահա այս պատճառաւ է որ, ամէն
քրիստոնեայ ազգ միահամուռ կը տօ-
նեն Նոր տարին, կամ Կաղանդը:

Իսկ միւսն հաւասարէ առ հաւա-

սար, ի փոքուէ առ մեծն, և ի մեծէ առ փոքրն, և ի բարեկամէ առ բարեկամն սիրոյ և յարգանաց փոխադարձութեան պարտաւորիչ և հաճոյական հանդէս մ'է:

Ահա այս պատճառաւ է որ, երբ կազանդ գայ, մարդիկ փոխադարձ այցելութիւն, յարգանաց և սիրոյ արտայայտութիւն, և համբոյրք հարազատաց կը փոխանակեն միմեանց, և ի վերահաստատութիւն այսոցիկ ըստ արժանւոյն այլ և այլ նուէրներու յիշատակօք կը վերահաստատեն մտերմութիւնն ինն, կը նորոգեն փոխանակեալ սէրն, և կ'ամրապնդեն յարաբերեալ յարգանքներն. այսպիսեալ հարուստ թէ աղքատ, տէր թէ ծառայ, գիտուն թէ սոգէտ առհասարակ խնդագին կողջունեն Նոր տարւոյ կամ կազանդի աւետաւոր գալուստն:

Տարի տարի, նոր տարի,

Ըլլայ գալուստ քո բարի.

Ձի դու բերես մեզ նոր յոյս,
Եւ նորոգես կենաց լոյս:

Քեզ կսպասէ իմ մամիկ,
Հարիւրամեայ պառաւիկ.
Առած՝ բացած ի ձեռին
Քթախոտի իւր «խութին».
Քաշէ, քաշէ, կը հրճուի,
Կուզէ ապրիլ շատ տարի.
Եւ երբ տեսնէ նոր տարին,
Պոչէ իսկոյն սրտագին.
Տարի տարի նոր տարի
Ըլլայ գալուստ քո բարի.
Ձի դու բերես մեզ նոր յոյս,
Եւ նորոգես կենաց լոյս:

Քոյրս ու հայրիկ և իմ մայր
Քեզ կսպասեն անդադար.
Իրենց ցաւոց մէջ համայն
Պոչեն, երբ որ քեզ տեսնան.

Տարի, տարի, նոր տարի :
 Ըլլայ գալուստ քո բարի .
 Ձի դու բերես մեզ նոր յոյս,
 Եւ նորագես կենաց լոյս :

Երիտասարդ ու տղայ
 Թէ երբ լսեն Վաղանդ գայ,
 Ժողովին, խումբ յօրինեն,
 Երգեն, պարեն, ու կայտուն .
 Եւ կը գոչեն « Նոր տարի,
 Ըլլայ գալուստ քո բարի .
 Ձի դու բերես մեզ նոր յոյս,
 Եւ նորագես կենաց լոյս :



Յակոբ հետաքրքիր տղայ մ'էր .
 Ինչ որ տեսնար, կամ ինչ որ լսեր,
 Կուզէր հասկնալ, զատկական օրերէն
 միոյն մէջ հօրը դիմեց, և հարցուց,
 Հայրիկ, Չատիկն ինչ է որ, երբ գայ,
 ամէն քրիստոնեայ ազգ հանգէսներ
 կընեն, խնջոյքներ կը կազմեն, նուա-
 գարաններ կը հնջեցնեն, կը հագուին,
 կը սգուին, և միմեանց աւետիս տալով
 կը բերկրին և կը հրճուին :

Հայրը տեսնելով որ, Յակոբ փոխա-
 նակ տղայական զբօսանաց կուզէ կրօ-
 նական ու բարոյական վիպակներ լսել,
 ըսաւ. մեր նախածնող Ագամն ու Ե-
 ւան երբ ի դրախտին էին, Աստուծոյ

պատուէրը անսաստեցին, մեղանչեցին,
և Աստուած ալ բարկանալով զանոնք
զրախտէն արտաքսեց.

Այն մեղքին ըսուեցաւ սկզբնական
մեղք. որ նախածնողաց բոլոր սերունդն
ալ նոյն մեղքին տակը գտնուեցան:

Եւ որովհետեւ մինչև այն ժամա-
նակ Աբրահամ, Յակոբ, Իսահակ նա-
հապետներն, և այլ Աստուածապաշտ
հոգիք նոյն մեղքը դժոխք գացած էին,
և ըստ որում նոյն մեղքը իրենց կամ-
քովն եղած չէր, հետեւաբար անիրա-
ւութիւն եղած պիտի ըլլար անմեղ հո-
գիներն նոյն մեղքին տակ թողուլ:

Աստուած՝ որ բովանդակապէս բա-
րի է, այն սկզբնական մեղքը մարդոց
վրայէն բոլորովին սրբելու համար իւր
միածին որդին՝ զՅիսուս Քրիստոսը յաշ-
խարհ իրկեց, որ Մարիամ սուրբ կոյ-
սէն մարմնանալով և ծնելով՝ իւր անձն
զոհ տայ՝ մարդկային ազգը նոյն մեղ-
քէն փրկելու համար. ուստի եկաւ, և ի
Հրէից չարչարեցաւ, խաչեցաւ, թաղե-

ցաւ, և իւր իխաչին թափած արիւնը
մեռեալ արգարներուն սկզբնական
մեղաց քաւութիւնը եղաւ. և յետ
այնորիկ մեռանելի արգարոց համար
ալ մկրտութիւնը սկզբնական մեղաց
քաւութեան խորհուրդ սահմանեց, և
ապա ինքն փրկութեան անբռնաբա-
րելի յաղթանակաւն յարեաւ յեր-
կինս:

Եւ որովհետեւ Յիսուս Քրիստոսի
խաչելութիւնը զոհողութիւն մ'էր ի
փրկութիւն մարդկային ազգի, այն
պատճառաւ զոհ կամ զենումն ըսուե-
ցաւ, որ մենք Զատիկ կանուանեմք,
այսինքն օր փրկութեան:

ԵՐԳ. ԶՍՏԿԱԿԱՆ

Զատիկ է Զատիկ,
Ինչ օր գեղեցիկ.
Եղբայր քոյր սիրով
Հօրով ու մօրով՝
Միմեանց համբոյր տան
Սիրով սրբազան:

Ծագիկ վեր առած
 Զիւր գլուխ ծռած,
 Եւ ծառոց սաղարթ
 Արթնցած զուարթ,
 Եւ աղբեր վտակ
 Կը կանխէ յալեակ,
 Հովիկն ու թռչուն
 Ի՛ամեն բնութիւն
 Տես թէ ի՛նչ ուրախ
 Յօրինեն նոր տաղ,
 Եւ աւետիս տան
 Միմեանց քաղցրաձայն,
 Կըսեն թէ Յիսուս
 Փրկութիւն և յոյս
 Առ մեզ բեր, և ինք
 Յարեաւ ի յերկինք:

Զատիկ է Զատիկ,
 Ի՛նչ օր գեղեցիկ.
 Եղբայր քոյր սիրով
 Հօրով ու մօրով
 Միմեանց համբոյր տան
 Սիրով սրբազան:



Ա Մ Ա Ռ

Երկինք յատակ է, արեւն ու լուսին
 անդադար կը հսկեն ամեն կողմ:

Արեւու ջերմութիւնը ցորեկին, և
 լուսնի զովութիւնը գիշերին բոյսին՝
 տունկի և մարդու առհասարակ կ'այ-
 ցեղեն, և շարունակելով իրենց շրջանն՝
 և կեանք ներշնչելով զանոնք կատա-
 րելութեան հասակի կուտան թեւա-
 կոխել:

Արեւն ուր որ հասնի, այն տեղոյ
 բերբերն բազմաբեղուն և հասուն կըլ-
 լան:

Մանուկն ալ այնպէս է, զի եթէ
ծնողական բարւօք խնամոց, և իմաս-
տուն գաստիարակութեան արեւոյն չը
սնանի, իւր բարոյական կենդանու-
թիւնն տկար, և ինքն անպտուղ կը
մնայ :

Ամէն ով որ իւր զաւկին ի բարոյա-
կանս լաւ խնամք կուտայ, ուր ուրեմն
նորա քաղցր երախայրիքը կը վայելէ
լիովի :

Ողջոյն քեզ ամառ,
Դու բարեաւ եկար.
Մեզ բերիւ խնձոր,
Որչափ ալ բոսոր.
Եւ քաղցրահամ տանձ
Տուիր աննախանձ.
Եւ խաղող գինի,
Յոր միտք մեր հրճուի.
Չմերուկ ու սեխ,
Սրտի տապոյ գեղ.
Ապա քան զամէն՝
Որ մեզ յոյժ պէտք են,

Յորեան ալ տուիր՝
Մեզ հաց կենսայիր.
Այսպէս շատ բարիք
Բերիւ սիրելիք,
Որ զայն վայելեմք,
Եւ զԱստուած օրհնեմք.
Ողջոյն քեզ ամառ,
Դու բարեաւ եկար :

ՇՈՒՇԱՆ ԵՒ ԴԴՈՒՄ

Շուշանը հովտին պատուական քա-
ղաքացին է. իսկ դդումը պարտիզաց
կոչու գիւղացին :

Օր մը դդումը կը տեսնէ որ, քովը
շուշան մը կայ, զոր ինք իւր տերեւե-
լով ծածկած ըլլալով չէր տեսած :

Կը հայի անոր վրայ, կգգայ բոյրն
անուշակ, և նորա գեղեցկութեանը

յափշտակուած՝ կզմայլի . ուստի կող-
ջունէ զշուշան , և հետեւեալ խօսակ-
ցութիւնը տեղի կունենայ իրենց մէջ :

ԴԴՈՒՄ — Ըսէ ինծի սիրելի ,
Դու երբ եկար գրացի :

ՇՈՒՇԱՆ — Դեռ հինգ վեց օր հազիւ կայ
Որ ես ծնայ երախայ .
Այս տեղ բուսայ թէև ես ,
Բայց խորհէի , թէ ինչպէս
Այս հովտին մէջ միայնակ
Պիտի ապրիմ շարունակ .
Տես զիս Աստուած խրկեց որ ,
Ընկեր ըլլանք ամէն օր .
Եւ միշտ ապրիմք միասին ,
Աղէկ չըլլար գրացին :

ԴԴՈՒՄ — Սակայն աւանդ , որ օրեր
Քո ընդ երկար չեն տեւեր .
Ես գգում եմ , զուշուշան ,
Թէև տեսքովդ աննման ,
Բայց կարճատև է կեանք քոյ ,

Այս կեանք՝ գեղոյ և սիրոյ .
Աստուած չընէ թէ մեռնիս ,
Մեծ ցաւ կըլլայ իմ սրտիս .
Զի սէր տուի , չառնում ետ
Սիրոյ պայմանն է աղէտ :

ՇՈՒՇԱՆ — Բայց դու ալ ծեր ես հիմակ ,
Հասած է քո ժամանակ .
Գուցէ երկուքս մէկանց
Կերթամք ի ծոց յաւիտեանց :

Հազիւ զայս խօսք խօսեցան ,
Մանիշակին գոյնք փախան .
Ինկաւ յերկիր դալկացած ,
Դռումն ալ յետ վերջացած .
Իջին 'ի հող սրտաձայնք ,
Այս էր սիրոյն հետեւանք :





Աստուած սէր է, քնար է, երգ է .
այս իսկ է որ, ամէն խանդ և ամէն
միտք կը վերանան առ այն :

Աստուած զետեղեց լուսինը յերկին,
Որ լոյս տայ մեզի ի մութ գիշերին .
Այգուն մեզ տուաւ արփին լուսաւոր,
Այն է որ զինքը սիրեմք ամէն օր,
Զի սէր է բոլոր :

Աստուած մեզ տուաւ հոգեխօս քնար,
Բարւոյն գեղեցկին անումք հարել
յար .

Վսեմն նաև ձգել և ՚ի բան,
Այս է որ զանի օրհնեմք պերճաճայն,
Զի քնար է այն :

Աստուած մեզ տուաւ աշուն ու ձմեռ .
Քարուն և ամառ չորեքին քոյրեր .
Որ մեզի բերեն բարիք ու վայելք,
Այս է որ զինքն սրտագին երգեմք,
Քանզի ինքն է երգ :

Նաև իւր պատկեր տուաւ հրաշագան,
Եւ անմահ հոգի մեզ կեալ անսահման .
Եւ զի գերագոյն արարածներ եմք .
Այս է որ զինքը ծնրաղիր պաշտեմք,
Զի Աստուած գիտեմք :





ՄԱՅՐԱԿԱՆ ԴԱՍՏԻԱՐԱԿՈՒԹԻՒՆ

— Հռիփսիմէ, աղջիկս ըսէ, լսեմ .
զո՞վ շատ կը սիրես, և կամ ո՞ւմ առա-
ւել պարտիս :

— Երբ դեռ փոքր էի, մայրիկ, միշտ
գեղեցիկ պատմութիւններ կը խօսէիր
ինձ, և բարի ու ջանասէր տղուն, գը-
թասիրտ մարդուն, որդեսէր հօրն,

բարեկիրթ մօրն, ընկերին առ ընկեր,
և եղբօրն առ եղբայր գործադրելի
սէրն ու պարտիք այլ և այլ սրտա-
գրաւ պատմութեամբ կը բացատրէիր
և կրկնելով կըսէիր, թէ այս ամենայն
ընկերական կենաց մեծամեծ բարեմաս-
նութիւնքն են. և ապա կը ցուցնէիր
հակառակ վարք ունեցողներուն յԱս-
տուծոյ մերժելի, և ի մարդկանէ խո-
տելի լինելն. այսու ամենայնիւ երկար
տարիներ շարունակ շեշտելով կը կրկն-
նէիր հետեւեալ բարի խրատներն, որք
այն օրէն ցայսօր հաստատուն բնաւո-
րութիւն մ'եղան յիսը :

Կըսէիր, զաւակս, նախ զԱստուած
սիրելու, և զանի պաշտելու է. վասն
զի՞ նա է մեր արարիչն ու տէր :

Երկրորդ թագաւորը սիրելու է.
վասն զի յետ Աստուծոյ նա է մեր
պատուոյ, ընչից ու կենաց միակ պաշտ-
պանն :

Երրորդ սիրելու է մեր ծնողքը,
որ մեր լինելութեան պատճառ լինե-

լով հանգերձ՝ զմեզ կը խնամեն, կը սնուցանեն, ու կը մեծցնեն :

Չորրորդ սիրելու է ուսմունքն, որ մեր կենաց մէջ մեր երթալու ճամբուն լուսատու լապտերը պիտի լինի. զի առանց անոր ոչ զԱստուած, ոչ թագաւորը, և ոչ ծնողք չեմք կարող ըստ արժանւոյն սիրել :

Ես միշտ կը հաւատամ թէ,

Այնպէս սիրելն մեր պարտաւորութիւնն է,

Այնպէս սիրելն մարդոյ կասարելութիւնն է,

Եւ այնպէս սիրելն ընկերական կենաց մի կենարար պայմանն է :

— Ապրիս ազջիկս. շատ գեղեցիկ, և իմաստութեամբ խօսեցար, վասն զի համոզմամբ խօսեցար :

Խորհէ, որ ես իմ որդեւորութեամբս եթէ մայրական պարտաւորութեանս անգէտ լինէի, կամ թերանայր ի նմին, դու այս ընտիր ու գեղեցիկ խորհրդածութիւնքը կամ ուշ կը սով-

րէիր, և կամ բնական չէիր սովրէր :

Եթէ ուշ սովրէիր, այդ համոզումը չէր բնականանար իբեզ. և եթէ բնական չսովրէիր, յայնժամ ընկերական կենաց մէջ տգիտութիւն մի պիտի կազմէիր, և յամենայնի գրեթէ անօգուտ պիտի ըլլային գործերդ :

Երանի այն մանկան, որ զինքը խրատող՝ բարի, և իր պարտուց գիտակ, և կարող մայր ունի, այն է նախակրթական բարեկարգ դպրոց մը ունի, ուր մանկիկն կուսանի ամեն ինչ որ անհրաժեշտ է բարւոք կենցաղավարութեան :

— Ո՛վ որ ծառ մը տարածամ կը տնկէ, խորարմատ, աճող, և բեղմնաւոր չըլլար :

— Ո՛վ որ համոզմամբ որ և է ճշմարտութիւն չընդունիր, այնպիսին թութակի մը պէս է, որ զիտէ լսել, խօսիլ, բայց չհասկնար :





ԱՇՈՒՆ

Դառնաշունչ հողմերը հետզհետե կսկսին շնչել. մարդ, ծաղիկ կսկսին թառամիլ. սաղարթուն ծառեր իրենց դեղնած տերեւներն մի զմիոյ զկնի կը թօթափեն յերկիր, և աշխարհ սա- կաւիկ մի ևս իւր չքեղազարդ պաճու- ճանքէն կը մերկանայ. և այն տուն- կերն՝ որ լաւ արմատ չեն բռնած, ուր ուրեմն կը չորանան, որպէս և երիտա- սարդն՝ եթէ ժամանակին բարոյականի և գիտութեան հիմնական պահանջնե- րովն չէ սնած, կը զրկուի կենաց դե- ղեցիկ վայելքներէն :

Վարդը պարտիզին,
Շուշանը դաշտին
Տուաւ ցաւալի
Հրաժեշտն յետին :

Եւ մարգն յեղերերդ
Առաւ մահու վերք,
Զգեց, ու գնաց
Գետակին եղերք :

Հովասուն սաղարթ
Ծառերու զուարթ
Յերկիր թօթափին
Հետ հետ անընդհատ :

Մահ մ'է, որ առաւ
Զվայելս ամբաւ,
Եւ վարէ, տանի
Զամէնք ի զրաւ :

ԹԷ ԻՆՉ Է ՄԱՅՐՆ

Մայրն յետ Աստուծոյ գերագոյն արարած մ'է յերկրի, կը յղանայ, կը տաղնապի, և մահուան սպառնալեօք կը ծնի զաւակ. և յետ այնորիկ կենցաղոյս ցաւոց և վշտաց ուկէանն ինկած կը տարուբերի, և յալեաց յալիս խորատուղեալ կը հրաժարի ի բարւոք կենցաղալարութենէ, և մայրական պարտիքն ու սէր իբր մի զէկ ի ձեռին կերթայ յանդուռէ յանդուռ, ի խոչէ ի խուծ, և ամէն պատահարաց ընդդէմ համբերատար կը խնամէ իւր սիրեցեալ զաւակն, մինչև որ ողջունէ իւր նախածնող հոգն, ուր աշխարհներ գացած թաղուած և անխշատակ մնացած են:

Եթէ մօր մը անզուգական հոգածութիւնը նկատողութեան առնուի, կ'սքանչանայ մարդ:

Կը տեսնես ինչ որ կընէ, կատարեալ գորովով կընէ:

Անձնապէս ինչ նեղութիւն որ կրէ, անսպառ սիրով կը կրէ:

Առաւօտէ ցերեկոյ զաւակը գրեթէ միշտ գրկացը մէջ է, և օրը բազմիցս կաթ կուտայ, և եթէ լայ մանկիկն, սիրաբոյր համբոյրներով, և խանդակաթ օրօրներով կ'սփոփէ, կը հանդարտեցնէ, և բնաւին չձանձրանար:

Գիշերն իւրոյս օրօրոցին քովիկը նստած՝ ինքն թէ առողջ ըլլայ, թէ հիւանդ, անքուն և անխոնջ կ'օրօրէ, կը զիեցնէ, և չտրտնջար:

Եթէ մանկիկն հիւանդանայ, այնչափ անձնուէր խնամով կը նայի, որ երկար ժամեր ոչ հաց կուտէ, և ոչ ջուր կը խմէ, և այլ յայլմէ եղած և սրտաբէկ, անյաղաքար կը գգուէ իւր սրտահատորն, և աչքին չէն երեւիր ոչ հաճոյք, ոչ զբօսանք, և ոչ որ և է գեղեցիկ առարկայք, զի իւր բոլոր զգացման և խոկմանց միտկ և սիրելի

առարկայն է Աստուած, ու որդւոյն սէրն :

Այսպիսի իմն գերագոյն սիրով կը մեծցնէ զաւակն, և երբ երիտասարդութեան առոյգ ժամանակն հասնի, և նա արձակ լեզուաւ և ոտքով երբ սկսի առաւօտուն տնէն դուրս ելնել, մայրն մինչև երեկոյ հազարաւոր կասկածով լցեալ՝ դէտակն կը մնայ նորա գալստեանը. և երբ նա գայ ի տուն, մայրն սիրազեղ խանդաղատանօք կելնէ ընդ առաջ, կողջունէ, և կը թուի թէ ինքն պարսպ վանդակ մի էր, և փախչող թռչնիկն դարձաւ ինոյն :

Այսու ամենայնիւ երբ զաւակը բարի ըլլայ, իւր անզուգական խնամոց վարձքն առած կը համարի. և եթէ անառակ ըլլայ, և նորա ոչ պատուաբեր արարքներն հասնին իւր ականջին, կը տխրի, կը մորմոքի, և բազում այն է կարտասուէ լռելեայն :

Ողորաւոր ձայնով շարունակ կը խըրատէ, և կը յորդորէ զանի յուզողու-

թիւն և ի պատիւ. և երբ նա անուղղայ մնայ, չատեր, այլ միշտ կը սիրէ, և այն ամենայն իբր ճակատագրին անխուսափելի մի հարկը կը նկատէ :

Այսպէս մայրական սէրն օրօրոցէն սկսեալ մինչև ի գերեզման կը տևէ :

Արդ, ո՞վ է որ աշխարհի մէջ քան զմայրական անընկճելի սէրն առաւել կամ հաւասար արարք ունենայ :

Այո, այսօրինակ անթիւ փորձեր միահաղոյն կը հաստատեն թէ ընկերական կենաց մէջ գերագոյն մարդը մայրն է, և հայրը նորա օգնականը միայն :

Մայրութիւնը կենաց բաժանումն է. որչափ զաւակ ունենայ, այնչափ մասի կը բաժնուի կեանքն, և այնպէս կապառի, ու կը վերջանայ :

